

# UBU WAVUTSE UBWAKABIRI



Chris Oyakhilome, D.Sc., D.D



# UBU WAVUTSE UBWAKABIRI



Chris Oyakhilome, D.Sc., D.D

Amajambo yo muvuyanditswe ari muri iki gitabu yakuwe mu nsobanuro ya  
Bibliya yitwa King James ayavuye ahandi nayo haca herekanwa. Casohowe  
ubugira kane mu 2009 ISBN 978-34658-7-2

Casohowe na: LoveWorld Publishing Ministry Copyright ©  
2006

All rights reserved under International Copyright Law. Contents and/or cover  
may not be reproduced in whole or in part in any form without the express  
written permission of LoveWorld Publishing Ministry.

# IBIRIMWO

1. WEWE W'UKURI	7
2. URI ICAREMWE GISHA	11
3. UFISE KAMERE N'UBUZIMA VY'IMANA!	13
4. URI UKUGOROROKA KW'IMANA!	17
5. WARATSINDANISHIRIJW	19
6. WAREJEJWE!	21
7. WARAWE UMWIDEGEMVYO!	25
8. MPWEMU W'IMANA ABA MURI WEWE!	29
9. WOKORA IKI IYO IVYIYUMVIRO BITARI VYO BIKUZAKO?	31
10. WOKORA IKI IYO ABAGENZI BAWE BA KERA BAGERAGEJE KUGUCA INTEGE?	41
11. WOKORA IKI IYO IHAMWA BE N'AKADENDEREZO BIKUJEKO?	47
12. MPWEMU YERA HAMWE NAWU!	53
13. WOKORA UTEGEREZWA KUJA KWISHENGERO?	63



## *Ncuti nkunda,*

Ndagukeje ku ngabire waherewe ubuntu yo wakiriye igihe wemera Yesu nk'Umwami n'Umukiza. Ngomba gusangira nawe ukuri kw'urufatiro mu kwizera rukristu; ukuri ushobora kwubakako ubuzima bw'inkomezi kandi budasanzwe muri Kristo. Ushire umwete mu kwiga ibiri muri iki gikoresho bizokuzanira umwimbu w'ibihe bidashira.

Ndasenga ngo Imana izoguhe impwemu y'ubwenge be n'ihishurwa mu kuyimenya; ngo amaso y'ugutahura yuguruke ukugene ivyizigiro vy'umuhamagaro yaguhamagaye uhambaye, kandi vyongeye ngo umenye ibintu vyose waherewe ubusa muri Kristo, Amen.

Iki gikoresho kizogufasha gutangura urugendo rw'ubuzima bushasha ufise muri

Kristo Yesu. Uko wiga, raba no muri Bibliya yawe uheze nawe wiyigire ivyo vyanditswe ubwawe.

Ndizeye ko ubutumwa burimwo buzohindura ubuzima bwawe hanyuma bugufashe mu gucapa ishusho ya kazoza kawe ukwirikije ingingo ngenderwako z'Ijambo ry'Imana.

Imana iguhezagire mu buryo bugwiriye, mwizina rya Yesu, Amen.

*Umwungere Chris Oyakhilome*

## WEWE W'UKURI

Uruta kure gose uwo mubiri ubona. Uruta kure gose iyo sandugu itekeye ibigize imyumvire yawe (imyumvire y'ukubona, ukwumva, ugukora ku ruhu, akanovera be n'akamoto). Muri wewe, hari ikintu, mu bisanzwe, umuntu arengeye umubiri wawe. Ni impwemu yawe y'umuntu, ni nawe wewe w'ukuri. Uwo muntu w'ibwina niwe Bibliya ivuga muri 1 Petero 3:4 : ***“Ariko kube ukw’umuntu ahishijwe wo mu mutima, ugushaza kudashira, nikwo mutima w’ubugwaneza utekereje...”***



Iyo umubiri w'umuntu upfuye, impwemu yiwe ikomeza kubaho. Aguma ari umuntu nka kuriya yari imbere yo gupfa; Ntakintu na kimwe yatakaje kiretse ububasha bwo gukorera kwisi. Umubiri wiwe woshobora kuba wapfuye ariko umuntu w'ukuri, urya muntu w'impwemu agumana kurya kumenya yagendana imbere yo gupfa.

Yesu Kristo yavuze umugani muri Luka 16 wari ujanye n'abantu babiri bapfuye. Umwe yari umuntu asegerereza yitwa Lazaro. Ikintu nyamukuru si uko yasegerereza, ariko ko naho yari umworo, yari afise umutima ugororotse. Igihe yapfa, yajanywe mu gikiriza kwa Aburahamu. Wa muntu wa kabiri nawe arapfa. Nawe yari yarabaye umutunzi mwisi, ariko ntiyari yarabayeho ubuzima bw'ukugororoka.

Raba neza, igihe yapfa, umubiri wiwe wahambwe mwivu, ariko Yesu yavuze ko

ari i kuzimu, ararangamiza abona Lazaro mu gikiriza ca Aburahamu maze aramwibuka. Ibi bisigura ko yari agishoboye kubona. Hanyuma ahamagara Aburahamu aramubwira ati, “Numfashe!” Urabona, yari agishoboye kuvuga. Aburahamu yaramwishuye nawe arumva ijwi rya Aburahamu, bivuga ko yari agishoboye no kwumva.

Uno mutunzi yaravuze kandi ko yari anyotewe, ntiyari anyotewe gusa, yari arembye. Aringinga, ***“Ngirira ikigongwe rungika Lazaro ampe n’ima ry’amazi kuko nseserejwe n’inyota.”*** N’ubu hari ikindi kintu co kuraba hano – yari agishoboye kwumva ku ruhu.

Ibijanye vyose n’ubwumvire bw’umubiri vyari bikiri bizima. Ahubwo mbere, yaragishoboye no kwibuka ibintu kuko yavuze ati, ***“Ndakwinginze, rungika uwo mu bapfuye agende kubwira abo tuvukana.”*** Yari afise bene se batanu kwisi, nikwo rero kwiyumvira

ati, 'Kumbure ni hajayo uwuvuye mu bapfuye bazokwihana.' Yibutse abo bavukana!

Ibi bikumenyesha ko impwemu y'umuntu ikomeza kubaho. Kandi iyo umuntu avutse ubwakabiri, ni impwemu yiwe ivuka ubwakabiri!

**2 Ab'i Korinto 5:17-18 (NKJV)** havuga hati,

*"Nuko, iyo umuntu ari muri Kristo, aba ari icaremwe gishasha; ivyakera vyose biba bihise; raba vyose bicitse bisha. Ubu rero vyose biva ku Mana, Yo yatwiyujujeko muri Yesu Kristo, Iraheza iduha igikorwa co kugabura umwuzuzo."*

## URI ICAREMWE GISHA

Ubu wahaye ubuzima bwawe Yesu Kristo kandi ukamugira Umwami w'ubuzima bwawe, ntukiri uwo wari kera. Woshobora kuba ugisa kwakundi ku rukoba, ariko indani, uri umuntu mushasha burundu. Ivyo nivyo Bibliya ivuga. Ntumeze 'nk'icaremwe gisha,' ahubwo uri 'icaremwe gisha' – ubwoko bushasha bw'ikinyabuzima butari bwakabeho ubwambere (2 Ab'i Korinto 5:17).

Ntiwasubiwemwo, ntiwahawe ishusho

nsha canke ngo uhinyanyurwe; uri icaremwe gisha – umuntu mushasha burundu. Ariko rero, ukuba uri icaremwe gisha indani muri wewe ntibisigura ko uzoca uhinduka ku rukoba. Nimba wari ufise imishatsi migufi imbere yuko uvuka ubwakabiri, iyo mishatsi yoshobora kuguma ari migufi. Uzogumana ka kazi nyene, wa muryango be na ba babanyi nyene.

Ahanini mbere, ikiriho ni uko, agaciro kawe kahindutse. Ufise ubundi bwoko bw'imico kuko uri uwundi muntu mushasha indani.



## **UFISE KAMERE BE N'UBUZIMA VY'IMANA!**

Nk'uwavutse ubwakabiri, Imana yaguhaye ububasha bwo gucika umwana wayo (Yohana 1:12). Kamere y'Imana yashizwe mu mpwemu yawe y'umuntu. Ubu ufise ubuzima bushasha; ubuzima bw'Imana Yesu atuma bubonekera uwumwizeye wese. Mbega ibakwe! Uri uwusangiye kameremere n'Imana (2 Petero 1:3-4). Imana ubu ni So! Ukwahe? Kameremere yigwiriza mu kuvyara; arico gituma imbwa yama ibwagura imbwa. Hanyuma Yohana 1:12-13 havuga hati

***“Abamwakiriye bese, yabahaye ububasha bwo gucika abana b’Imana, nibo bizeye izina ryiwe: batavyawe n’amaraso, canke ubugombe bw’umubiri, canke ubugombe bw’umugabo, ariko bavyawe n’Imana.”***

Imana igufitiye iyerekwa ry’ubuvyeyi. Uri umwe mubo mu nzu yayo, bisigura rero ko uri umwenegihugu w’ijuru aho yibera.

Imana irakwitwararitse. Izokuronsa ivyanknerwa vyose nka kurya kw’ubutunzi bwayo budashira mu bwiza kubwa Kristo Yesu (Ab’i Filipi 4:19). Ifitiye umugambi mwiza ubuzima bwawe, watanguye gukora igihe wavuka ubwakabiri. Uri umwana mukundwa w’Imana y’urukundo, wavukiye mu muryango w’urukundo. Ibi bintu ni ngirakamaro cane. Yaguhaye ubu buzima busha ngo ucike ingingo y’Ubwami bwayo.

Bibliya ivuga ko Imana yaguhaye ubuzima budashira. Ubu nibwo buzima buri muri wewe, aribwo buyishoboza kuba uko iri. Ubu ni ubuzima bw'ubumana. Ubu buzima bwatumye bidakunda ko imva igumya Yesu. Ubu ni ubuzima bw'izuka, kandi ubu buzima buri muri wewe!

*“Kandi iyo ntahe ni iyi, nuko Imana yaduhaye ubugingo budashira, kandi ubwo bugingo buri mu Mwana wayo. Uwufise Umwana wayo niwe afise ubwo bugingo; uwudafise Umwana w’Imana ntafise ubwo bugingo. Ivyo ndabibandikiye mwebwe mwizeye Izina ry’Umwana w’Imana; kugira ngo mu-menye yuko mufise ubugingo budashira, kandi ngo mwizere Izina ry’Umwana w’Imana” (1 Yohana 5:11-13).*

INi urya afise Umwana w’Imana wenyene afise ubwo buzima, kuko ubwo buzima bwibereye gusa mu Mwana w’Imana. Igihe wamwakira, wakiriye ubu buzima.

Ubu buzima butuma bitokunda ko uneshwa n’ikintu na kimwe. Bwama bugushira hejuru. Vyiyumvireko gusa! Ntibikunda ko Imana inanirwa, itikizwa canke ngo ineshwe. Ubu naho ufise ubuzima bwayo: ntiwotikizwa canke ngo uneshwe, kuko irya Mpwemu nyene yazuye Yesu Kristo imukuye mu bapfuye iba muri wewe! (Abaroma 8:11).

## URI UKUGOROROKA KW'IMANA!

2 Ab'i Korinto 5:21 havuga hati, ***“Umwe atigeze kumenya icaha, Imana yamuhinduye icaha; kugira ngo muri We duhinduke ukugororoka kw’Imana.”***

Ibaze Imana igize ico twokwita ‘uguhindura akameremere.’ Yahinduye Yesu imugira icaha (aho ni ukuvuga, ikimazi c’icaha) kubwacu, kugira ngo ducike ukugororoka kw’Imana muri We. Nico catumye bikunda ko Yesu apfa urupfu rw’umunyavyaha mu kibanza cawe.



Ingaruka ica iba ko ushobora guhagarara ataco wiyagiriza, ata bwoba canke ukwiyumva nk'uko uciriritse (Abaheburayo 10:19, Abaroma 5:1).

## **WARATSINDANISHIRIJE!**

Vyoba bisigura iki ugutsindanishirizwa? Bisigura ukwaturwako 'ukutagirizwa.' Imbere y'Imana, nta caha na kimwe kikwagira. Bibiliya ivuga iti, "None rero ko twatsindanishirijwe no kwizera, dufise amahoro ku Mana kubw'Umwami wacu Yesu Kristo:" (Abaroma 5:1). Waratsindanishirijwe!

Yesu yakiriye igihano c'ivyaha vyawe igihe yapfira ku musaraba, naho atagirirwa n'icaha

na kimwe (I Petero 2:22). Nico gituma Imana itakiguharurako ivyaha vyawe. Bibliya ivuga iti,

*“Nikwo kuvuga ko Imana yari muri Kristo, yiyuzuzza n’abari mwisi, nti-yabaharurako ibicumuro vyabo; kandi yatubikije Ijambo ry’umwuzuzo” (2 Ab’i Korinto 5:19).*

## WAREJEJWE!

Reka dufate gatoya ko waguye nko mu kinogo, hanyuma ugacafura hakaca haza umuntu akagutabara – bisigura, “agukura muri ico kinogo.” Igikurikira wokora ni ukwikurako ubwo bucafu. Mu yandi majambo, “wikureko n’ico kinogo,” ivyo navyo bisaba inguvu n’ukwigora.

I Ab’i Korinto 6:11 havuga hati

*“...ariko mwaruhagiwe, ariko mwareje-*

*jwe, ariko mwatsindanishirijwe mwizina ry'Umwami Yesu Kristo, no muri pwemu w'Imana yacu."*

Ukwezwa kuri mu mice ibiri: ubwambere, Imana igukura muri ya manga, ivyo bigasigura ko buno ugiheza kuvuka ubwakabiri, Bibliya ivuga ko wejejwe; uratoranywa ukurwa mwisi ujanwa ku Mana. Utegerezwa kwikuramwo ico kinogo biciye mukwoza umutima wawe (ukuwugira mushasha) bica mwijambo ry'Imana (Abaroma 12:2).

Ukugira umutima mushasha ni igikorwa kibandanya. Umutima wawe wamenyerejwe kwiyumvira inzira imwe: ukubona ibintu mu buryo bugaragara imbere yo kwizera. Ubu rero, muguhindura ubwiyumvire bwawe, uba wemereye umutima wawe kwiyumvira nk'uko Imana yiyumvira. Uha umutima wawe indero nshasha yo kubona ibintu mu buryo Imana ibibona. Uzoheza uce uvuga amajambo



y’Imana, mu buryo iyavuga hanyuma uronke ingaruka nayo ironkera mwijambo ryayo.



## WARAHawe UMWIDEGEMVYO!

*"Mushime Data wa Twese, yabashoboje kuraganwa n'abera umwandu wo mu muco: yadukijije ububasha bw'umwiza, atwimurira mu Bwami bw'Umwana wiwe akunda: "(Ab'i Kolosayi 1: 12-13).*

Kuva urya mwanya wahaye ubuzima bwawe Umwami Yesu Kristo, wacitse umwe mubo mu Bwami bw'Imana. Nta Dayimoni yiburutse i kuzimu yogira ico

ikugira. Uridegemvya no ku masezerano woba wari waragize, mu bigirankana canke mu kutamenya. Uridegemvya ku ngeso iyariyo yose, icaha, indwara canke ukumererwa nabi vyoba vyarigeze kukwiboherako. Kubera iki? Kuko wakuwe mu bubasha bw'umwijima!

Bibliya ivuga ko Imana yagukuyeko ububasha be n'ukuganzwa n'umwijima ica ikwimurira mu bwami bwayo. Ntukwiye gusubira gutinya kandi. Imana ni umwungere wawe kandi amaso yayo yo kugukingira azokwama kuri wewe ibihe vyose (Zaburi 23:1).

***Bibliya ivuga iti: “Umwana niyaguha kwidegemvya, uzokwidegemvye mu vy'ukuri”*** (Yohana 8:36). Imana yaragutabaye ica ikwimurira mu Bwami bwayo. Aho niho uri ubu; aho niho wegukira. Waramaze gukurwako ububasha bw'umwijima. Urabona

ko uyu mwanya uri muri kahise – waramaze  
gukurwako ububasha bw’umwijima!



## **MPWEMU W'IMANA ABA MURI WEWE!**

Ikindi gice kidasanzwe muri buno buzima bushasha ni uko Mpwemu w'Imana aca aza akibera muri wewe. Iyo Mpwemu w'Imana aba muri wewe, aguha umuco mwijambo ry'Imana akaguha ugutahura kw'Ijambo.

Ubu rero, igihe wiga Bibliya, ugira ugutahura gusha mu mpwemu yawe; rigaheza rigacika irikoreshwa mu buzima.

Ikindi kintu Mpwemu Yera akora ni ukukwibutsa Ijambo ry'Imana (Yohana 14:26).

Vyongeye, aguha ubushobozi bwo kuba  
icabona gishitse ca Kristo Yesu.

“Ariko muzohabwa ubushobozi,  
Mpwemu Yera ni yabazako: muzoheza  
mumbere ivyabona i Yerusalemu, n’i  
Yudaya, be n’i Samariya, no mu mpera  
zose z’isi” (Ivyakozwe 1:8).



## WOKORA IKI IYO ...

*IVYIYUMVIRO BITARIVYO BIKUJEMWO?*

Ukuba waravutse ubwakabiri ntibibuza ko ugeragezwa, ariko kirazira ko woca ujanwa n'ibikugerageza. Bibliya itwigisha ko igihe cose tugeragejwe, Imana yama yugurura inzira yo kubicika (1 Ab'i Korinto 10:13). Nuko rero, iyo ivyiyumviro bitarivyo bikujeko, utegerezwa:

## (1) KWIBUKA KO URI ICAREMWE GISHA

Ibi vyiyumviro bikuzako nk'inkomezi zivuye hanze, ubwoko bw'ikigeragezo kivuye kuri wa mubi. Ntuyubakira mu mutwe iwawe, cane cane ubu wavutse ubwa kabiri. Bibliya ivuga ko twebwe (abizera bavutse ubwakabiri) dufise ukwiyumvira kwa Kristo (1 Ab'i Korinto 2: 16). Utegerezwa kwibuka uwo uriwe ubu, icaremwe gisha! Imana yama ishaka ko twibuka ko turi ivyaremwe bisha, ko yaduhaye kandi ubuzima bushasha. Ubu buzima bushasha nibwo utegerezwa kwemera ukizera.

## (2) KUGENDERA MU KWUBAHA

Ubaha Imana! Dufate ko icyumviro kizana ingeso mbi kikujeko. Ukumva ugobererwa cane gukora ico kintu kitari ciza; bikanashika ukaja no muvuyo kubikora. Ariko ucibuka ko

wavutse ubwakabiri; uri umuntu mushasha, ugaheza ukagira ubwira be n'ukurinduka kwo kuvyikunkumura ukabishiburira kure.

Ubaha Imana! Urabona, ukuba waravutse ubwakabiri ntibisigura ko ivyiyumviro bitarivyo bitokuzako ariko ikintu nyamukuru nuko udategerezwa kubireka ngo bikwifatire. Bihakane! Hari umuntu yabivuze neza ati, 'ntiwoshobora kubuza inyoni kuguruka hejuru y'umutwe wawe, ariko ntiwozemerera koziwubakako icari!' Vyoshobora kutagushobokera guhagarika ivyo vyiyumviro ngo ntibikuzeko kuko bikomoka ku bushobozi buva hanze, ariko urashobora kubibuza kukwiyubakamwo. Ntuzoreke ngo ivyiyumviro bitari vyo bikugire uburaro bwavyo, ntubireke ngo bikwiganzire canke ngo abe arivyo bikugenzura. Ahubwo urashobora kubihagarika mu kwiyumvira neza (Ab'i Filipi 4:8).

Dufate ko uri umunyatugenegene w'imbere canke umukinyi hanyuma ukaba ushaka gukina

mu kibanza c’umugore, naho mubisanzwe uri umugabo. Woshobora kwambara impuzu z’umugore ugashirako imishatsi nk’iy-abagore hanyuma ugaheza ugakina uvuga nk’umugore, ariko urangije gukina ntuzigera wibagira ko uri umugabo. Wururutse ugasubira mu bwambariro, ugahindura ukambara impuzu zisanzwe hanyuma ukigira mwibarabara. Uvuye muhira uja kukazi kuwambere mu gatondo, ntuzibagira ko muvyukuri uri umugabo. Uzovuga nkawe ukore nkawe. Bizoba ivy’akamaramaza gusubira kukazi uvuga wongera ukifata nk’umugore, nka kumwe wabigira igihe wariko urakina muri riry a joro.

Niko biri nyene no kuri wewe. Wakora nabi igihe utari bwavuke ubwakabiri, ariko ubu ufise ubuzima bushasha. Ubwo buzima bushasha nibwo wategerezwa kubamwo ubu. Haheze igihe ukina mu gishingo c’umugore

kandi rimwe na rimwe uriyibagira ugaheza ugatangura gukora nkawe. Ariko ubwo nyene ukibuka ko mu vy'ukuri uri umugabo hanyuma ugaheza ukikosora. Ubwenge bukaza ukavuga uti, "Eh, sindi umugore; sindiko ndakina; ntegerezwa kuba uw'ukuri!"

Ubwo nibwo buryo wategerezwa guhagarika ingeso mbi. Wibwira uti, "Raba, naravutse ubwakabiri. Iyo niyo kamere yanje nyayo!" Bitarabanye n'ingeso iyo ariyo, iyo wibutse (uzoheza wibuke), SIGAHO! Wibwire uti, "Naravutse ubwakabiri! Hagarikira ngaho!"

Ntureke ivyaha ngo bikomeze kukwizingirako, kandi ntugire n'isoni ryo kubwira uwugomba kubifatanya nawe uti, "Ndakwinginze umbabarire, ibi sinobikora kuko navutse ubwakabiri." Wiyambure ingeso mbi mukuzisubiriza na nziza nshasha. Ubikore wabiteguye. Rondera mwijambo ry'Imana ibijanye n'ingeso zo kwubaha Imana hanyuma

uvyireremwo biciye mu kwimenyereza.

### (3) (1) KUBA UWUKORA IJAMBO, RISHIRE MU NGIRO!

Imana ntishaka ko tuba abumva Ijambo gusa, ahubwo abarikora barishira mu ngiro:

*“Kandi mube abakora ivy’iryo Jambo, ntimube abaryumva gusa, mwibesha. Kuko uwumva iryo Jambo, ntarikore, ameze nk’umuntu yirabiye mu cirore mu maso hiwe yavukanye: amaze kwiraba, akagenda, uwo mwanya akaca yiyibagira ukwo asa” (Yakobo 1:22-24).*

Ucika uwukora Ijambo iyo uryibutse, ukaca ukora nk’ukwo rivuga. Hanyuma uzoheza ugume uryibuka. Ico ni kimwe muvuyo Mpwemu Yera adukoreramwo. Yesu yavuze ati, “Ariko Umwitsa, ariwe Mpwemu Yera, uwo Data azorungika mwizina ryanje, niwe

azobigisha vyose, kandi azobibutsa n'ivyo nababariye vyose" (Yohana 14:26).

Dushime Imana ko Mpwemu Yera ari ngaha; Adufasha kwibuka Ijambo! Ubu rero, igihe wibutse Ijambo, utegerezwa kubikorera. Ntuzokwigore kubijanye no kwibuka; Mpwemu Yera niwe azobibibutsa. Ariko utegerezwa kuba witeguye kumwumvira igihe ariko akwibutsa uku kuri.

#### (4) KWIBUKA KO UTAZIGERA UGANZWA N'ICAH

Utegerezwa kwibuka ikintu kimwe: Ivyiyumviro bitarivyo ntibishobora kukuganza kiretse ubirekuriye.

*"Icaha ntikizobanza ..."* (Abaroma 6:14). Icaha ntikizigera kikubera umwami. Ntikizigera kigufatira ingingo, kuko utagengwa n'ivyagezwe ahubwo ugengwa n'ubuntu. Ivyo nivyoy Bibliya ikuvugako.

Imana yarakubohoye ububasha bw'icaha be n'ubw-umwijima, igukijije ikwimurira mu Bwami bwayo:

*"Mushime Data wa twese, yabashoboje kuraganwa n'abera umwandu wo mu muco: yadukijije ububasha bw'umwijima, atwimurira mu Bwami bw'Umwana wayo akunda:" (Ab'i Kolosayi 1:12-13).*

TAho niho wibereye, ubu wavutse ubwakabiri. Kandi nico gituma ububasha bw'Umwijima budashobora kukuganza; biri ahantu h'icaha ariko wewe uri mu kibanza c'ubuzima bw'Imana, aharuta icaha. Urabona rero ko, bidashobora kukuganza. Ab'iKolosayi 1:14 havuga hati, ***"Muri We niho dufise ugucungurwa biciye mu maraso yiwe, nikwo guharirwa ivyaha vyacu."*** Muri Kristo Yesu dufise ugucungurwa. Ibi tubifise bugingo



bwa none aha (Abanyefeso 2:5-6). Ntituriko tugerageza kubironka, turabifise ubu nyene! Dutegerezwa kugumya uku kumenya Ijambo ry'Imana hanyuma tubinezzererwe.



## WOKORA IKI IYO ...

*ABAGENZI MWAHORANA BAGUCA INTEGE?*

Ubu wavutse ubwakabiri, wegukira umuryango mushasha. Ntucegukira umuryango wawe wa kera kandi. Ibi ntibisigura ko utegerezwa guheba abagenzi bawe ba kera be n'incuti canke ngo ubate burundu. Utegerezwa kubabera umuco. Baracari mumwijima, kuko badafise Yesu mu mitima yabo. Utegerezwa kwibuka ko ubu wacitse umuco w'Imana kuri bo. Sangira nabo Ubutumwa bwiza kugira ngo nabo bashobore gukurikira Yesu.

Ni igiki ubwirizwa gukora iyo batanguye kuguca intege? Bibliya ivuga ko mu misi ya nyuma hazoza abacokoranyi bazokora ibibi vyose bokwiyumvira kugira ngo bacokore ishengero (2 Petero 3:3-4).

Abacokoranyi ni barya bagerazeza kuguca intege hanyuma bakagusubiza mu buzima bwa kera, ariko utegerezwa guhakana kunyiganyizwa nabo. Hakanira inyifato zabo kuzibira ubunywanyi bwawe na Yesu. Hakana kugendana nabo 'mudasangiye umwitwarariko'. Ntukemere impanuro zabo. Ahubwo, gumana igihagararo cawe kubijanye n'Ijambo ryayo.

## IMPFIZI N'INDOGOBA MUSI Y'INGOGO IMWE

Mu misi ya mbere y'uburimyi bwa kijambere, umurimyi yarashobora gufadikanya ibikoko bibiri, nk'akarorero, indogoba zibiri

canke impfizi zibiri, agaheza akazibohera ku Cuma co kurimisha. Ivyo bikoko bibiri bigaheza bikarima isi y'aho biciye. Kuko ibitugu vyaba bifatanirijwe hamwe, ivyo bikoko bibiri vyategerezwa kugira hamwe, iyo icambere kigiye, n'icakabiri caca gikurikira. Umurimyari yarabiyobora hanyuma navyo bigaheza bikajana inzira imwe, igihe vyaba bikiri muni y'ingogo imwe. Nimba vyose vyaba ari nk'indogoba, vyaca bavugaga ngo 'birajanye,' ariko imwe ibaye indogoba iyindi ikaba impfizi, vyaca vyitirirwa kuba 'Inzira-n-ingaru' (kubera ko bitari ivy'ubwoko bumwe). Nimba twogira uwo twifadikanya nawe, bitegerezwa kuba 'ibijanye,' ni ukuvuga, umukristu be n'uwundi mukristu bagendana. Ariko nimba umukristu hamwe n'uwutizera bari kumwe, ni inzira-n-ingaru. Imana ivugaga iti, "Ntimwifatanye n'abatizera kandi ataco musangiye" (2 Ab'i Korinto 6:14-16). Urabona rero, iyo wewe n'uwutizera muriko

muragendana, mukaba mu buzima bumwe, ni ukuvuga ko muri inzira-n-ingaru, ibi navyo si vyo. Imana ntigushaka nk'inzira-n-ingaru, ariko mujanirane n'abandi bakristu, mukora bimwe. Abatizera ntibashobora kuba abagenzi bawe bambere. N'aho uwo muntu yoba azi ibintu vyinshi, ataravuka ubwakabiri, ntashobora kuba umugenzi wawe. Ntibishoboka kandi ntivyemewe imbere y'Imana, kuko ari inzira-n-ingaru. Igipimo wopima umuntu gitandukanye n'uko Imana yobikora. Igihe kimwe, Imana yarungitse Samweli kwa Isayi ngo asige amavuta umwe mu bahungu biwe abe umwami w'Israeli (1 Samweli 16:1-13). Samweli akibona umuhungu mukuru wa Isayi, Eliyabu, Samweli avuga ati, "Ntagukekeranya, uwo Uhoraho agire yimikishe amavuta nguyu imbere yiwe," kuko yari munini, muremure kandi abereye ijisho. Ariko Imana ibwira umuvugishwa iti, "Ntumusige kuko ntamushimye." Ica iravuga

iti, “Kuko abantu baraba ku rukoba gusa, ariko jewe Uhoraho ndaba ku mutima.” Bisigura ko ukugene upimura umuntu ahanini, bihagaze kukugene agaragara hanze – ivyo avuze, ukwo asa, ukugene atambuka... Urashobora gutondorora ivyiyumviro vyawe vyose kuri we ukoresheje bino, ariko urabona ko, Imana iraba ukwo umuntu asa indani muriwe.

Uwutaravuka ubwakabiri ntafise impwenyu iroranye n’iy-Imana. Uburyo bwonyene umuntu ashobora kurorana n’Imana ni mu kuvuka ubwa kabiri. Uwu niwo mwanya wonyene umuntu ashobora kuronka uburenganzira bwo kuba umugenzi wawe yishikira. Gushitsa avutse ubwa kabiri, ntiyoshobora kuba umugenzi wawe yishikira; nta bubasha afise hisunzwe ibisabwa n’Imana afise. Ubu wavutse ubwa kabiri, icipfuzo cawe catererezwa kuba ico guhimbara Imana, ntutegerezwa rero gukoresha ibintu vy’iwawe. Ibi rero bikaba

nkenywa cane. Gumiza umutima wawe ku w'Imana nayo izoheza yame iguherekeza (1 Ab'i Korinto 10:13).



## WOKORA IKI IGIHE ....

*UGUHAMWA BE N'AKADENDEREZO BIJE?*

Muri Mariko 4:1-9, Yesu yaduciriye umugani w'umubivyi. Umuntu yagiye kubiba imbuto hanyuma zimwe zigwa ku rutare, izindi zigwa ahumye, izindi mu mahwa hanyuma izindi zigwa mwisi nziza. Mu murongo 16 & 17, Bibliya ivuga iti

*"N'aba nuko, nibo babibwe ku rutarare;  
iyo bumvise Ijambo, baca baryakirana  
umunezero; Ntibagire imizi muri bo,  
ariko bagahagarara umwanya muto:*

*maze iyo badutsweko n'amarushwa be  
n'akadenderezo bazira iryo Jambo, bica  
bibagwisha."*

Avuga abantu ata muzi bafise muri bo, hanyuma bagashobora guhangana n'akadenderezo akanya gatoyi gusa. Avuga ko n'aho bakira Ijambo banezerewe, iyo akadenderezo be n'uguhamwa bihagurutse kubera iryo Jambo bakiriye, baca batsitazwa. Ibi vyarashikiye abantu benshi. I v y o Yesu avuga ngaha nuko hariho abantu benshi batamufitiye urukundo rushimitse. Baranezererwa Ijambo ry'Imana kubera ivyo bemererwa vyo mu buzima budashira, umunezero be n'inyishu z'amasengesho, ariko mu vy'ukuri badafitiye Imana urukundo rushitse. Iyo uguhamwa bishitse rero, baraheba. Ibi birababaje! Iyo uguhamwa be n'akadenderezo bije, ivyo wategerezwa gukora ni ugukurikira Ijambo:

## (1) UTEGEREZA KUGIRIRA IMA NA URUKUNDO RUSHIMITSE

Imana ishaka ko uyigirira urukundo rushimitse, kandi rukomeye. Urukundo rurashobora kwiyongera canke rukagabanuka. Uko ukomeza kuyiyumvirako, Umviriza Ijambo ryayo hanyuma ugirirane ubusabane nayo biciye mu masengesho, niko uzoyigirira urukundo rukomeye gose, kuko urukundo rugwirira mu kumenyana. Uko ukomeza kumenyana n’Imana, niko uyikunda kurusha. Ukwo wumviriza Ijambo ryayo, niko uyimenya gushasha hanyuma ukongera ukanayikunda, niko unayakirako ibintu vyinshi. Iyo ufise urukundo rukomeye nkuru, Ijambo ryayo rishinga imizi mu mutima wawe, ku buryo iyo uhanganye n’ikibazo icarico cose, uramenya uko Imana ivyiyumvirako hanyuma ubwo nyene ukatura icyumviro c’Imana kuri vyo. Bibliya ivuga ko ubugingo be n’urupfu biri mu

bubasha bw'ururimi (Imigani 18:20-21), kandi ko ku bibogaboga mu mutima akanwa katura (Matayo 12:34-35, 37). Iyo wujuje umutima wawe Ijambo ry'Imana, bitavanye n'ubwoko bw'ikibazo, uzobona ibintu uburyo Imana ibibona hanyuma uheze uvuge muri ubwo buryo nyene. Kandi bizoshika!

## (2) NTUHEBE!

kirazira ko uheba iyo ingorane zije! Ukuba waravutse ubwakabiri ntibibuza ko ingorane ziza, kandi ntibisigura ko atabigeragezo bizobaho. Ico bisigura gusa ni uko imbere y'ivyo bibazo vyose, hagati muri izo ngorane zose, Imana izozikurenganya. Nko muri Zaburi 23:5: "Untegurira ameza mu maso y'abansi banje..." Woshobora kwisanga imbere y'abansi bawe ariko ntibashobora kukugirira nabi: uguhamwa ntigushobora kukwononera

ubuzima! Imana ntishaka ko uheberana. Utegerezwa guhagararana inkomezi! Naho ibintu vyosa naho umengo biragumye canke biragoye gute, ntuzigere uheberana! Imana izokurenganya, ntugacike intege rero. Guma uri umwizigirwa imbere yayo kandi ntizigera iguhemukira canke ngo ikureke. Uzotsinda mu bishika vyose vy'ubuzima, kuko bica bikwumvira. Yesaya 43:2 havuga ko niwaca mu mazi atazokurengera kandi ko niwaca mu muriro utazoguturira. Ni wakurikira Yesu, uze umukorere n'umutima wawe wose; umukurikire bitavanye n'ivyo muhangana navyo.

*"Ariko Imana ishimwe, iduha gutsinda kubw'Umwami wacu Yesu Kristo. Nuko bene Data nkunda, mukomere, ntimunyiganyige, murushirize imisi yose gukora ibikorwa vy'Umwami wacu, kuko muzi yuko ubutame bwanyu atari*

*ubw'ubusa mu Mwami wanyu" (1 Ab'i Korinto 15:57-58). "Kuko icavyawe n'Imana cose kinesha isi: kandi iyi niyo intsinzi yacu yatsinze isi, n'ukwizera kwacu" (1 Yohana 5:4).*

*"For whatsoever is born of God overcometh the world: and this is the victory that overcometh the world, even our faith" (1 John 5:4).*

Urabona, Imana iduha intsinzi biciye mu Mwami wacu Yesu Kristo, nuko, ntidushobora kuba abahombe. Iga witonze 1 Yohana 5:4; havuga ibijanye n'intsinzi yatsinze isi, ariyo kwizera. Beshwaho n'ukwizera; waranesheje, nturi umuhombe. Wavutse waranesheje, kuko wavutse ubwakabiri. Ukomoka ku Mana, wavutse kuri Mpwemu wayo!

## **MPWEMU YERA HAMWE NAWE.**

**U**kuvuka ubwakabiri, ni ukuvuka ku **Mana** (1 Ab'i Korinto 12:13, Yohana 3:5-8). Iyo wavutse ubwakabiri, Mpwemu Yera acika igice gikuru muri wewe, ukeneye gutahura rero uwariwe hanyuma umenye igikorwa ciwe mu buzima bwawe.

Utegerezwa gutahura ivyo yaje kuguha, kugira ngo ushobore kunezererwa ubuzima busagutse bubonekera muri Kristo uheze wakire iyo ngabire (1 Ab'i Korinto 12:8-10) be

n'ubushobozi (Luka 24:49, Ivyakozwe 1:4-8) uronka biciye kuriwe.

### **MPWEMU YERA NI NDE?**

Mu bice bitandukanye vya Bibliya, turabona ahantu Mpwemu Yera Yigaragaza.

- Mwisezerano rya kera, turamubona atanga ububasha be n'ubushobozi bwo gukora ibidasanzwe (Abacamanza 14:6,19).
- Mwisezerano risha, turamubona ubudasiba mwivuka, mwibango be no mubuzima bwa Yesu (Luka 4:18).
- Mpwemu Yera araboneka kandi mu Vyakozwe 2: 1-4 akorera mu buzima bw'intumwa za Yesu.
- Ni Imana. Ni Umuntu wo mu bumana akaba uwugira gatatu mu butatu (Yohana 14:16-17, Yohana 15:26).
- Yabayeho imbere y'ibihe (Itanguriro 1:2).



- Niwe kugaragara kw'ububasha bw'Imana. Mu yandi majambo, ni igihimba c'Imana gishitsa ibintu vyose Data avuze (Itanguriro 1).
- Niwe Mpwemu y'urukundo, ububasha be n'impwemu yo kurinda (2 Timoteyo 1:7).
- Niwe Mpwemu y'umwidegemvyo (2 Ab'i Korinto 3:17).

## IVYO MPWEMU YERA ATARI?

ivy'agaciro kandi kumenya neza ko mpwemu Yera Atari inguvu, umuyaga, amavuta canke inuma, naho turavye ivyanditswe, tumubona amenyekanishwa murubwo buryo. si 'indimi,' naho atanga amajambo yo kwatura. Si 'ububasha,' ariko atuzanira ububasha bw'Imana. Siyo Mpwemu ikugarukana kandi mu buja bw'ubwoba (Abaroma 8:15), ariko y'umwidegemvyo (2 Ab'i Korinto 3:17).

## IGITUMA DUKENEYE MPWEMU YERA?

- Mpwemu Yera atuzanira ububasha buva ku Mana (Ivyakozwe 1:8). Iri jambo 'ububasha' risobanuwe mwijambo ry'ikigiriki 'dunamis,' mu bisanzwe risigura 'ubushobozi bunyaruka butuma habaho impinduka.' Ni kirya gihe Mpwemu Yera aje kuba muri twebwe. Aduha ubushobozi bwo guhindura ibintu mu buzima bwacu hamwe no mu buzima bw'abandi.

- Aduha ukurinda ngo dushobore kuvuga Ubutumwa bwiza (Matayo 28: 18- 20, Mariko 16:15-18).

- Aradufasha akongera akatuyobora (Yohana 16:13, Abaroma 8:14).

- Araduhoza (Yohana 14:18, Ivyakozwe 9:31). –Aduha intumbero akongera akatwigisha (Yohana 14:26, 1 Ab'i Korinto 2:11-12).

- Agendana natwe agaheza agacika igihimba kimwe mu bigize ubuzima bwacu

bwa misi yose (Yohana 14:16).

- Ashingira intahe imitima yacu ko turi abana b’Imana, hanyuma gutyo tugacika abafadikanije n’ubutunzi bwayo muri Kristo Yesu (Abaroma 8:16; Abanyefeso 3:6).

- Aduha umwidgegemvyo wo kwegera Imana mu rukundo (Abaroma 8:15, 2 Ab’i Korinto 3:17; 2 Timoteyo 1:7).

## URASHOBORA KUGIRIRANIRA IMIGENDERANIRE NA MPWEMU YERA

Muri Yohana 14:17, Yesu yavuze ati

*“Niwe Mpwemu w’ukuri; uwo ab’isi badashobora kwakira, kuko batamubona, kandi batamuzi; mweho muramuzi; kuko abana namwe, kandi azoba muri mwebwe.”*

Kugiriranira imigenderanire na Mpwemu

Yera ni ukumenya ukubaho kwiwe ukamenyera igikorwa ciwe. Utegerezwa kumara umwanya mu kubaho kwiwe munywana kandi ukora ngo umumenye nk'umugenzi. Ushobora kugira iyi migenderanire biciye mu masengesho, wiga Ijambo hanyuma ukumvira amajambo be n'inyoboza za Mpwemu Yera.

Iyo wavutse ubwakabiri, ubatizwa mu muri Mpwemu w'Imana. Ukubatizwa bisigura ukwibizwa wese indani mu kintu. Nk'akarorero, urashobora gufata umupira ukozwe nko mu gikoba ukawinika mu kibesani kinini c'amazi ku buryo wa mupira wose urengerwa n'amazi. Ibi rero nivyoye biba iyo wavutse ubwakabiri – uribikwa, nka kurya kwa wamupira, muri Mpwemu Yera. Ariko urazi ikintu, ni kimwe ko uwo mupira urengerwa n'amazi hanyuma kandi kikaba ikindi gitandukanye neza ko wa mupira wuzura hanyuma kandi ukarengerwa n'amazi. Kugira ngo uwo mupira wuzure, hategerezwa kuboneka akayira ngo ayo mazi

yinjire. Mu yandi majambo, ibikozwemwo uwo mupira bitegerezwa kureka amazi akisuka muri wo. Muri ubwo buryo nyene, iyo wavutse ubwakabiri, utegerezwa kwakira Mpwemu Yera akaza muri wewe hanyuma ukanamwuzura. Kandi bisubiye, ukwuzura Mpwemu Yera si ikintu kimwe rudende ubamwo gishika rimwe mu buzima bwose. Ahubwo, ni ibintu bubamwo kandi bibandanya (Abanyefeso 5:18). Ibi navyo bifitaniye isano n'ukwibuka hamwe no gukomeza wemera igikorwa ciwe mu buzima bwawe. Urashobora guhora wuzura Mpwemu Yera, ukwo ukura mu bunywanyi nawe, biciye mugushima, amasengesho, ukwiga Ijambo hanyuma ugahora wimadikanije n'ubuyobozi bwiwe be n'ivyo agusaba gukora. Muri ubu buryo, urashobora kuyoborwa na Mpwemu w'Imana.

## UKUVUGA MU NDIMI

Nkuko nabivuze ubwa mbere, Mpwemu Yera aha abana b'Imana ukuvuga mu zindi ndimi. Kimwe mu bimenyetso Umwami yavuze ko vyokurikiye abvizera ni ukuvuga indimi nshasha (Mariko 16:17). Ubu ni ubushobozi bwo mu mpwemu kandi bw'ubusigabwenge bushoboza uwizera kuvuganira n'Imana mu mpwemu yiwe, kandi biguhabwa nk'ingabirano na Mpwemu Yera. Ukuvuga mu ndimi nico bita 'gusengera muri Mpwemu.' Iyo tuvuga mu zindi ndimi, tuvugana n'Imana atawundi duciyeke (1 Abi Korinto 14:4) hanyuma tukaduzwa canke tukubakwa (Yuda 1:20). Impwemu zacu zihabwa inkomezi zikongera zigakaburwa (Yesaya 40:31). Umaze kwakira Mpwemu Yera, urashobora kuvuga mu ndimi umwanya wose uhisemwo. Ntavuga biciye kuri wewe, ariko aguha ubushobozi bwo kuvuga. Hanyuma ugaheza

ukavugana n'Umwami igihe cose ushakiye. Iyo utanguye kuvuga mu zindi ndimi, uzoshika aho uzivuga vyoroshe ukwo uagenda ubigira umwimenyerezo wo ku musu ku musu. Ni nka kurya kw'Umwana muto aheruka gutangura kuvuga ijamba ryiwe rya mbere. Ukwo yimenyereza, niko agera aho avuga neza. Ninaco kimwe no kuvuga mu ndimi. Ni ururimi rushasha, mbere n'aho utaba warinze kurwiga, uragera aho woroherwa kuruvuga bugingo ubandanya kuvuga. Bitayeko kandi, ukwo uhora uvuga mu ndimi, bizoteza imbere ugukura kwawe kwo mu mpwemu hanyuma bigushikane ku zindi ngabire be n'ukwigaragaza kwa Mpwemu Yera.





## WOBA UTEGEREZWA KUJA KWISHENGERO?

Muri Matayo 16:18, Yesu yavuze ibijanye n'ishengero ryiwe, ariwo mubiri wiwe kwisi, avuga ko yoryubatse kandi amarembo y'i kuzimu ntarineshe.

*"Kuko nk'uko umubiri ari umwe, ukagira ingingo nyinshi, kandi naho ingingo z'umubiri zose ari nyishi, ari umubiri umwe: niko na Kristo ari. Kuko muri Mpwemu umwe twese ariho twabatirijwe ngo tube umubiri umwe, naho boba abayuda canke abagiririki, naho boba*

*abagurano canke abidegemvya; kandi twese twanyweshejwe Mpwemu umwe. Umubiri si urugingo rumwe, ariko nyinshi” (1 Ab’i Korinto 12:12-14 ).*

Turi umubiri Kristo akaba umutwe. Abakristu bose (bavutse ubwakabiri) ni ibihimba vy’umubiri wiwe kandi vy’umwe n’uwundi (1 Ab’i Korinto 12:27). Kandi nka kurya ibihimba vy’umubiri bitandukanye kandi atana kimwe cokwikorana, ibihimba bitandukanye vy’umubiri wa Kristo muvyukuri ntibishobora gukora kimwe kimwe ukwaco. Ibi vyose kubera ko Imana yahaye abagize ishengero ingabirano be n’imihamagaro bitandukanye, kugirango ishengero ryose rivyungukireko (1 Ab’i Korinto 12:18-24; Abanyefeso 4:11-12). Ukuja mwishengero rero ni ukwumvira ubugombe bw’Imana, bidushoboza guhezagirana hanyuma umwe wese akubakisha ingabire z’Imana mugenziwe – arizo bitangaza, ugukiza indwara, ubuvugishwa

n'ibindi. Uca ushobora kuronka ugutahura nyakwo kw'Ijambo ryigishijwe, ukumva intahe ukibonera n'ibitangaza. Ugusenga mugahimbazanya Imana hamwe bizana 'ukwisesa kw'amavuta rusangi' ya Mpwemu Yera, akora kuri umwe wese mubagize iryo koraniro mu buryo bwiharije (Abaheburayo 10:25; Ivyakozwe 1:14; Zaburi 133:1-2).

Ukugendera mwijambo kugatwe kawe bicika nk'ukuduga umutumba uhanamye iyo utariko urinjira ishengeru ryuzuye Mpwemu. Ariko, ukwitanga bishitse mwishengeru nk'iryo bigutuma umenya vyinshi kubijanye n'iryo shengeru hamwe no kubijanye n'abaringize. Uca ushobora guhagurutsa impwemu yawe (umuntu wawe w'indani) ukayishikana ku gukura. Ibi bituma ukugendera kwawe kwo mwijambo kworoha hanyuma ukamurwako vyinshi. Nk'umukristu, utegerezwa kugira aho ukoranira n'abandi hamfi, aho wokwita MUHIRA, ugaheza ukaba no mu bikorwa.

Bitari gutyo, uzokwiyambura imihezagiro myinshi y'Imana hanyuma ugendere hanze y'urutonde rw'Ijambo ryayo. Ubu rero wavutse ubwakabiri, gendera mu kumenya neza kw'uwo uriwe kandi ntusibe amakoraniro hamwe n'abera (Abaheburayo 10:25) – Ja kwishengero!



## UGUKURA

Bibliya iduhanura iti ***“Wame wiga ngo wemerwe n’Imana, umukozi atarinda guteterwa, aramiriza neza mwijambo ry’ukuri”*** (2 Timoteyo 2:15). Ndaguhanuye wakire ibitabu vyacu bitandukanye kugira ngo ukure mu mpwemu. Birimwo inyigisho be n’amahishurwa yagenewe kukwereka ukwo wokwama ivyamwa kandi ugatera imbere mu karere akariko kose k’ubuzima bwawe, hanyuma bizotume ukwizera kuvyaguruka mu mutima wawe gutyo vyonyene. **Bir on ke**. Uvyigiremwo. Shira Ijambo mungiro hanyuma wibonere impinduka y’Ubwiza mu buzima bwawe! Ukeneye inkuru nyinshi ku bijanye n’ishengero hamwe n’ibikoresho vyanditswe n’Umwungere Chris Oyakhilome, nurondere:

To contact the author write:  
Pastor Chris Oyakhilome:

**United Kingdom:**

Unit C2, Thamesview Business Centre  
Barlow Way, Rainham, RM13 8BT  
Tel.: +44 (0)1708 556 604

**South Africa:**

303 Pretoria Avenue  
Cnr. Harley and Bram Fischer,  
Randburg, Gauteng, South Africa.  
Tel: +27-11-326 0971,  
+27-11-326 0972

**Nigeria:**

Christ Embassy  
Plot 97, Durumi District,  
Abuja, Nigeria.

**Nigeria:**

Plot 22/23 Billings Way, Oregun,  
Ikeja, Lagos.  
Tel: +234-808 586 5700,  
+234-817 198 7339  
+234-802 478 9892-3

Please include your testimony or help received  
from this book when you write. Your prayer  
requests are also welcome.

